

CALCIUM PHOSPHATE (CaPhos) manipud tulang iti animal

Pagsayaatan a maited na iti mula:

- ⊙ Tumulong a mangpasabong iti mula ken lapdan na iti nakaro/sobra a panagsabong nga kadawyan nga mangited iti babassit a bunga;
- ⊙ Pa-aduen na iti calcium nga adda idiay ramot ken bulong iti nataengan a mula;
- ⊙ Mabalin nga ipa-inom iti masakog a dengwen (animal) no maikanaw iti bingay a 1 liter calcium:200 litro a danum,
- ⊙ Kas maysa a “soil conditioner,” tumulong daytoy a mangmentenar iti “balance” iti naduma-duma a kemikal iti daga ken iti pannaka-ibaba iti kina-aggad iti daga. Pasayaaten na pay daytoy iti panag-uneg iti danum iti daga.


Kasatno nga Aramiden daytoy?

- 1** Paburekan dagiti tul-tulang (may-mayat no tulang iti baka) tapno nalaka a maisina iti lasag ken taba manipud iti tulang



- 2** Itono/puuran dagiti tulang inggana agbalin a kasla uging iti maris da.

- 3** Dik-diken/taltalen dagiti tulang inggana agbalin a napino. Ikabil ti 2 enggana 3 kutsara a nadikdik a tulang iti maysa a “container” ket nayonan/laokan iti 1 a litro a suka iti niyog wenno unas.



- 4** Kalleban ngem saan a nairot ken suratan no ania iti nagan na ken kaano a naaramid. Idulin iti 30 nga aldaw iti nalamiis ken nasipnget a lugar.



- 5** Kalpasan iti 30 nga aldaw, sagaten daytoy ket ibelleng diay nasagat nga parte iti tulang. Iyalis diay nasagat a likido iti botelya nga mapairutan iti kalleb na tapno haan nga sumrek ti angin (“airtight”). Idulin daytoy iti nalamiis ken namaga a lugar nga haan nga main-initan.

Kasatno nga Usaren?

- ⊙ Ikanaw iti 2 a kutsara iti naaramid a “CaPhos” iti 1 litro a danum.
- ⊙ I-spray daytoy iti daga wenno bulong iti mula iti oras nga 4-6:00 iti bigat wenno 5-6:00 iti malem. Sigun iti panagadal, kadagitoy nga oras nga aktibo dagiti naduma-duma a “microorganisms”
- ⊙ Isibog wenno i-spray daytoy iti kada 3-7 aldaw.